



佛祖統紀 序目錄

門外
成
三緣系
漆藏本
不出

卷九

風陵文庫
文庫19
F229
/



佛祖統紀序
參天地之才，司萬物之化，同功而異位者，其唯人道乎。故自_有生以來，蚩蚩群氓，必立大人為之君牧，是以四輪統乎四洲，粟散占乎異域，而南洲震且實，為東方君子之國。伏羲稱皇，始畫八卦，降及三代，文物大明，逮_吾世，尊出與天竺，將施化於此方也。乃先遣三聖為世良導，以禮樂為前驅，以真道為後啓，機成時至，大法可行。於是漢皇致夢感之祥，摩騰應東來之運，魏晉以降，盛譯群經，矯矯諸師，競登譎席，雖各立義門，取名當世，而尚昧乎如來一代之化意，篤生_明天台，紹隆法運，以五時八教四種三昧與夫事

山門禪定
蘭若藏本

F0229-(1)

理即具境觀不二之旨以爲後學入道之本歷代師承寶茲大訓至于今七百年守之弗墜翰林梁子之言曰言佛法者以天台爲司南則殊塗異論往往退息誠然哉斯論也志磐手抱遺編久從師學每念佛祖傳授之迹不有紀述後將何聞惟昔良渚之著正統雖粗立體法而義乖文義鏡菴之撰宗源但列文傳而辭陋事疏至於遺逸而不收者則皆舉此失於是並取一家且刪且補依放史法用成一家之書斷自釋迦大聖訖于法智二佛二十九祖並稱本紀所以明化事而繫道統也至若諸祖旁出爲世家廣智以下爲列傳名言懿行皆入此宗而表志之述非一門義具在通例可以類知既又用編年法起周昭王至我本朝別爲法運通塞志儒釋道之立法禪教律之開宗統而會之莫不畢錄自之曰佛祖統紀凡之爲五十四卷紀傳世家法太史公通塞志法司馬公書成即負笈詣白雲堂仰求佛光法師爲之考校而同志之士共謀鏤版以期流布將令家藏其本人觀此書開人心之性靈資國政之治化豈不曰有大益於世哉自寶祐戊午首事筆削十閱流年五膳成彙夜以繼晷功實倍之仰報佛恩上酬帝力不負所學其志在茲

皇宋咸淳五年歲在己巳八月上日四明福泉沙門

志磐寓東湖月波山謹序

掌局齋生 真要

同校正吉祥安樂山教忠報國教寺首座沙門必昇
校正前住持華亭先福教寺傳天台宗教沙門慧舟
校正住持吉祥安樂山教忠報國教寺傳天台宗教
沙門善良

校正住持東湖月波山慈悲普濟教寺傳天台宗教

沙門宗淨

校正特賜佛光法師左右街都僧錄主管教門公事
住持上天竺教寺賜金襴衣 法照

勸緣邑士周胡慶宗六季奎真至吳邦達

同校正贊緣居士 泰宇曹說 九蓮厲心

佛祖統紀通例

例者略也類也舉畧以知類也

釋本紀

釋迦如來最初得佛之後大悲利物未來不息以故
果後示權數數出世莫可以三際求其始終況於十
方國土唱生唱滅處處不同豈當於此南洲一方畢
其能事然今所錄但於此方特舉垂教之要會而通
之則十方不離當處三世祇在一心尚何有所異同
者哉今約如來在凡因行至今出興為大法王明本
迹叙聖源列大小八相分頓漸二始經歷五時鋪陳

一化作教主釋迦牟尼佛本紀四卷自大迦葉下至師子尊者皆能仰承佛記傳弘大法謂之金口祖承依付法藏作西土二十四祖紀一卷

自北齊始開龍樹之道至于天台大弘法華章安集為論疏荆溪製記申明稟承教觀實居震旦是謂今師祖承作東土九祖紀二卷

自邃法師嗣荆溪之業師師相承歷晚唐五代暨我本朝教法散而復合仰惟四明法智用能中興天台一家教觀之道同功列祖作興道法師下八祖紀一卷上稽五釋迦示生之日下距法智息化之年一佛二十九祖起周昭王二十六年甲寅至皇宋仁宗

天聖六年戊辰合二十二年通為本紀以繫正統如世帝王正寶位而傳大業

釋世家

自南岳旁出照禪師下至慈雲諸師皆傳教明宗分證照世與正統諸祖相為輝映作諸祖世家二卷釋列傳

自四明諸嗣最顯著者十餘師子孫有繼者唯廣智神照南屏三家為先盛守家法禦外侮人能弘道作諸師列傳十一卷背宗破祖失其宗緒者三數人作雜傳一卷有功德教門事遠失記者作未詳承嗣傳一卷

釋表

考諸祖之授受叙奕世之稟承欲觀千古必審今日
為明北齊下至法智述正統之有來作歷代傳教表
為明釋迦列祖下至今時諸師示傳鑑之無盡作佛
祖世繫表共二卷

釋志

並陳文藻交贊佛乘各出義章發揮祖業斯固法門
之盛烈作山家教典志二卷
人理教行具足成就由五濁以登九品者唯念佛三
昧之道為能爾末代機宜始自廬阜作淨土立教志
三卷

達磨賢首慈恩灌頂南山諸師皆一代之偉特雖共
明此道而各專一門區別群宗作諸宗立教志一卷
觀千佛紹隆則知無盡之鑑即一洲縱廣則識無邊
之士為隘俗無聞者作三世出興志三界名體志凡
三卷

香鑪供養之具禮誦歌唄之容是蓋緣因加行之正
轍為但理之人成就佛事作法門光顯志一卷

大法東流聖賢繼世所以住持三寶不令斷絕然歷
年既久或興或廢此蓋世事無常之變於此道何成
何虧邪考古及今具列行事用見法運通塞之相至
若儒宗道流世間之教雖隨時而抑揚而其事迹莫

不昭然可訓可戒作法運通塞志十五卷

法運通塞事變紜紜繫于編年莫明始末為通練古今欲求類知者作歷代會要志四卷

大儒高釋有能以文字鋪張大道為法門之標表者是不可不略錄也作名文光教志二卷

敘古製

徽宗政和間吳興穎師始撰宗元錄述天台一宗授受之事自北齊至本朝元祐為之圖以繫道統於是教門宗祖始粲然有所考矣

寧宗慶元中鑑菴吳克已因穎錄增廣之名曰釋門正統未及行而亡嘉定間鏡菴遷法師復取穎本及

鑑菴新圖重加詮次增立新傳六十餘人名宗源錄理宗嘉熙初錢唐良渚鑑法師取吳本放史法為本紀世家列傳載記諸志仍舊名曰釋門正統然鏡菴則有不立體統之失良渚則有名位顛錯之繆至於文繁語鄙事緩義乖則皆有之而題稱釋門尤為踈闊要之草創討論修飾潤色非可以求備於一人也明今述

今之所述蓋是用宗源錄釋門正統參對文義且刪且補而復取大藏經典教門疏記儒宗史籍諸家傳錄之辭及瑋師隆興統紀脩師釋氏通紀用助援引依史氏法為四佛紀四祖紀二世家十一列傳一雜

傳一未詳承嗣傳二表三志成一家之全書至若一傳之後贊以述德一事之下論以釋疑及文有接古事有餘義則必兼注于下俾覽者之易領云

用三例

近世諸師立傳之法當用三例一曰觀行修明二曰誦訓有旨三曰著書明宗非此三例濫矣至於經理法事旁贊教門者又將錄之俾後人有所懷仰若夫搢紳名賢儒生居士能知此道者非有宿重之功疇克至是以故時有所取云

釋題義

佛祖者何本教主而繫諸祖也統紀者何通理佛祖

授受之事也

史記功臣表云要以成功為統紀漢高祖紀顏師古注曰紀理也統理衆事繫

之年

本紀者何始釋迦終法智一佛二十九祖所以

紀傳教之正統也世家者何世守家業以輔相祖道者也列傳者何載歷代諸師之言行俾有繼於祖道也表者所以表示傳教之有緒法之有緒也志者所以記其事也若山家教典若諸宗立教若淨土往生若世界成毀若法門光顯若法運通塞若會要以通古今若述文以光大教皆於志有考云

釋師名

列諸師之名考其例有八或從國號如北齊高麗或從山名如南岳天台或從師號如智者法智或從生

地如章安仙城或從寺名如法華天宮或從自號如草堂息菴或從郡名如錢唐四明或從著書之名如扶宗憲章近世多以自號行雖稱名之不一而所以名乎其人則各得其實也

息衆疑

此書之作或因舊文以刪修或聚諸文以補足或取師友之論著或考碑碣之撰述不復一一注所出者修史之法當若是也其間關涉稍衆者則必時時有所引證不得已耳又此書所用藏典教文非儒生居士之所可易解有能字字句句研究其義以所疑難質諸沙門則精義入神然後可以知佛若輕心疾讀不究所歸斯何益於人哉又世之爲儒者好舉韓歐排佛之論而不知一丁公末年終合於釋氏之道今人有能少抑盛氣盡觀此書反覆詳味則知韓歐之立言皆陽擠陰助之意也

釋引文

大藏經典

- | | | | | |
|-----|-----|-----|-----|-----|
| 法華經 | 華嚴經 | 維摩經 | 涅槃經 | 瑞應經 |
| 梵網經 | 樓炭經 | 藥王經 | 普耀經 | 善權經 |
| 大權經 | 賢愚經 | 提謂經 | 楞伽經 | 大集經 |
| 遺教經 | 因果經 | | | |

無量義經	大般若經	付法藏經	法滅盡經
大方便經	十二遊經	佛本行經	未曾有經
雜寶藏經	中本起經	首楞嚴經	法句喻經
阿育王經	八關齋經	長阿含經	雜阿含經
妙法華經			
普賢行法經	菩薩處胎經	菩薩本行經	
優婆塞戒經	增一阿含經	分別功德經	
思益梵天經	殃掘摩羅經	淨飯泥洹經	
升忉利天經	觀佛三昧經	勝鬘師子經	
像法決疑經	佛母泥洹經	摩耶夫人經	
仁王般若經	文殊般若經		

曇無德律	十誦律	四分律	僧祇律
沙彌塞律	善見律	五分律	
大智度論	新婆沙論	大莊嚴論	薩婆多論
俱舍論	起信論		
佛道論衡	譯經圖記	梁高僧傳	唐高僧傳
宋高僧傳	弘明集	釋迦譜	西域記
天台教文			
法華文句	妙樂	法華妙玄	釋籤
止觀論	輔行	涅槃玄義	觀音別行
法界次第	四教義	南岳願文	智者別傳
二師口義	四教儀	國清百錄	寶雲振祖集

天竺別集 草菴遺事 翻譯名義 四明教行錄
九祖略傳

釋門諸書

周書異記

廬山集

國清碑

玉泉碑

十八賢傳

僧鏡錄

關王祠堂記

淨土往生傳

法華顯應錄

般若感驗錄

觀音感應錄

天人感通傳

僧史略

林間錄

僧寶傳

護法論

景德傳燈錄

普燈錄

大慧武庫

湘山野錄

歐陽外傳

石門文字禪

育王舍利傳

禪門寶訓

儒宗諸書

孔子家語

論語

禮記

孟子

荀子

揚子

史記

西漢書

東漢書

三國志

晉書

南北史

唐書

五代史

稽古錄

續稽古錄

國朝會要

皇朝類苑

皇朝龍飛記

本朝通鑑

皇朝景命錄

韓昌黎文

柳子厚文

白氏長慶集

顏氏家訓

酉陽雜俎

宣室志

廣陵志

楊文公談苑

蔡氏叢談

錢氏洞微志 王氏小畜集 東坡文集

魯直文集 太平廣記 東坡指掌圖

六一居士集 洪容齋隨筆 夷堅志

曾氏獨醒志 東都事略

道門諸書

老子 列子 莊子

老子內傳 老君實錄 玄妙內篇

漢武內傳 洞冥記 十洲記

雲笈七籤 天師家傳 劉向列仙傳

葛洪神仙傳 續仙傳 集仙傳

仙苑遺事 皇甫高士傳 真誥

悟真篇 林靈素傳

修書諸賢

元穎法師吳興人政和間居智者院撰宗元錄有傳

吳克已婺女浦江人號鑑菴嘉定間撰釋門正統有傳

志昭法師鑑菴之姪居婺女左溪撰釋迦譜歷代

宗承圖見鑑菴傳

景遷法師餘姚人受業東山廣教號鏡菴嘉定間

住天竺靈山撰宗源錄增多吳本六十餘傳

宗鑑法師錢唐良渚人嘉熙初居仁壽張寺續鑑

菴釋門正統為本紀世家列傳諸志載記

修書旁引

祖琇隆興初居龍門撰佛運統紀放左氏寓褒貶法兼述篡弒反叛災異之事永嘉薛洽敘釋迦譜云琇飾統紀多附小機所見學最上乘者尚深病之
德脩淳熙間居金華撰釋氏通紀其紀釋迦則附以慈恩三時之教一代化事最為踈略又以五運圖石柱銘三寶錄言佛生皆不同糝雜於佛紀正文甚失撰述之體其叙時事與琇本互有出入而徒取乎冗長之辭也

佛祖統紀目錄

天宋咸淳四明東湖沙門

志磐撰

第一卷

釋迦牟尼佛本紀一

明本迹

叙聖源

名釋迦

第二卷

釋迦牟尼佛本紀二

一下兜率

託母胎

住胎宮

示降生

出父家

成佛道

第三卷

釋迦牟尼佛本紀三

轉法輪 五時

華嚴

鹿苑

方等

般若

法華涅槃

第四卷

釋迦牟尼佛本紀四

入涅槃

分舍利

集三藏

第五卷

西土二十四祖紀一

大迦葉尊者

阿難陀尊者

商那和脩尊者

末田地尊者

毘多尊者

提多迦尊者

彌遮迦尊者

難提尊者

密多尊者

脇比丘尊者

夜奢尊者

馬鳴尊者

摩羅尊者

龍樹尊者

已上十三祖繫
東土所承

提婆尊者

羅睺尊者

僧佉尊者

耶舍尊者

鳩摩羅尊者

闍夜多尊者

槃駄尊者

摩拏羅尊者

鶴勒那尊者

師子尊者

第六卷

東土九祖紀二

龍樹尊者

北齊禪師

南岳禪師

智者禪師

第七卷

東土九祖紀三

章安禪師

法華禪師

天宮禪師

左溪禪師

荆溪禪師

第八卷

興道下八祖紀四

興道法師

至行法師

正定法師

妙說法師

高論法師

淨光法師

寶雲法師

法智法師

第九卷

諸祖旁出世家一

南岳世家

僧照禪師下二十一人

天台世家

真觀禪師下六十五人

第十卷

諸祖旁出世家二

章安世家

弘景禪師下六人

天宮世家

真覺禪師一人

左溪世家

神邕禪師下二十八人

荆溪世家

普門禪師下一十四人

興道世家

守素法師下二人

至行世家

良涿法師下五人

正定世家

敬休法師下四人

妙說法師

常操法師下五人

高論世家

志因法師下十九人

淨光世家

宗昱法師下二十人

寶雲世家

遵式法師下八人

第十一卷

諸師列傳一

慈雲

下二十九人

興國

下二人

錢唐下二人

第十二卷

諸師列傳二

法智第二世廣智下二十人

第十三卷

諸師列傳三

法智第三世廣智神照南屏三學淳石廣慈

六家四十人

第十四卷

諸師列傳四卷二

法智第四世廣智神照南屏三家七十一人

第十五卷

諸師列傳五

法智第五世廣智神照南屏三家五十二人

第十六卷

諸師列傳六

法智第六世廣智神照南屏三家三十五人

第十七卷

諸師列傳七

法智第七世廣智神照南屏三家四十一人

第十八卷

諸師列傳八

法智第八世

廣智神照南屏三家

第十九卷

諸師列傳九

法智第九世

廣智神照南屏三家

第二十卷

諸師列傳十

法智第十世

廣智神照南屏三家

第二十一卷

諸師列傳十一

法智第十一世

廣智神照南屏三家

第二十二卷

諸師雜傳一

淨覺

神智

草菴

第二十三卷

未詳承嗣傳一

東陽大士下四人

第二十四卷

歷代傳教表一

第二十五卷

佛祖世繫表二

第二十六卷

山家教典志一

第二十七卷

淨土立教志一

淨土七祖

廬山十八賢

蓮社百二十三人

不入社諸賢

第二十八卷

淨土立教志二

往生高僧

第二十九卷

淨土立教志三

往生高屋

往生雜衆

往生公卿

往生士庶

往生女倫

往生惡輩

往生禽魚

往生續遺

第三十卷

諸宗立教志一

達磨

慈恩

灌頂

南山

第三十一卷

三世出興志一

過去莊嚴劫千佛

見在賢劫千佛

未來星宿劫千佛

小三災

大三災

第三十二卷

三界名體志一

華藏世界圖 萬億須彌圖 九山八海圖

大千三界圖 忉利天宮圖 諸天通論

第三十三卷

三界名體志二 南山

東華地理圖 西域諸國圖 西土五印圖

八熱地獄圖 十六遊增圖 八寒地獄圖

第三十四卷

法門光顯志一

第三十五卷

法運通塞志一

周 秦

第三十六卷

法運通塞志二

西漢 東漢 三國

第三十七卷

法運通塞志三

晉 宋 齊

第三十八卷

法運通塞志四

梁 陳

第三十九卷

法運通塞志五

北魏

北齊

北周

第四十卷

法運通塞志六

隋

文帝 恭帝

煬帝

唐

高祖 高宗

太宗 武后

第四十一卷

法運通塞志七

唐

中宗 玄宗

睿宗 肅宗

第四十二卷

法運通塞志八

唐

代宗 順宗

德宗 憲宗

第四十三卷

法運通塞志九

唐

穆宗 宣宗

敬宗 懿宗

文宗 僖宗

武宗 昭宗

景宗

五代

梁

唐

晉

漢

周

第四十四卷

法運通塞志十

宋

太祖 太宗

第四十五卷

法運通塞志十一

宋 真宗

第四十六卷

法運通塞志十二

宋 仁宗 神宗 英宗

第四十七卷

法運通塞志十三

宋 哲宗 徽宗 孝宗 光宗

第四十八卷

法運通塞志十四

宋 高宗 孝宗 光宗

第四十九卷

法運通塞志八

宋 寧宗 理宗

第五十卷

名文光教志一

天台禪林寺碑 梁肅 天台止觀統例 梁肅

智者大師傳論 梁肅 聖安寺無姓和尚碑 柳宗元

無姓和尚碑陰記 柳宗元 龍興寺淨土院 柳宗元

法智大師行業碑 趙抃 止觀坐禪法要記 陳瓘

三千有門頌 陳瓘 與明智法師書 陳瓘

南湖淨土院記 陳瓘 仁王般若經疏序 晁說之

明智法師碑論 晁說之 南湖智者大師像贊 真隱居士

永嘉西湖法明寺疏葉重刊刪定止觀序
吳克巳

第五十一卷

名文光教志二

始終心要唐荆溪禪師 四十二章經疏序孤山

與駱御史書孤山 聖南岳止觀序慈雲

書紳論語子張 圓頓止觀十法界圖慈雲

宗門尊祖議沙門志磐

第五十二卷

歷代會要志一

君上奉法八 屢朝拜佛 天書御製

聖君護法四 試經度僧 特恩度僧

進納度僧 士夫出家 沙門封爵

僧職師號 不拜君父 不稱臣僧

崇禮高行 沙門著書

第五十三卷

歷代會要志二

聖祖開先 歷朝識瑞 先聖世家

大儒名世 興建儒學 天師世次

仙真顯迹 道流知名 修舉道科

宿命前身 放生禁殺 祈禱灾異

國朝典故 諸國朝貢

第五十四卷

歷代會要志三

北天佛牙

鄭山舍利

鳳翔佛骨

陳留佛指

瑞像應世

聖賢出化

立壇受戒

設像置經

建寺造塔

西天求法

東土譯經

經目僧數

天台傳教

禪苑傳燈

律宗垂範

神尼異行

名山勝迹

聖教感通

持誦功深

西遊樂國

第五十五卷

歷代會要志四

三教出興

三教危運

三教訛偽

三教談論

僧道角法

僧先道後

內律分財

僧制治罰

僧籍免丁

賜謚封塔

褒恤終亡

臨終瑞相

君臣慢法

韓歐排佛

化胡偽經

事魔邪黨

毀法惡報

佛祖統紀通例終

道大論佛言一究竟道也迹者除諸法實相其餘種種

皆名為迹又理之與事皆名為本科云理真事俗說理說事

皆名為教說此真俗為教又理事之教皆名為本稟教

修行名之為迹如人依處則有行迹尋迹可得處也

又行能證體體為本依體起用用為迹又實得體用

名為本權施體用名為迹又今日所顯者為本先來

已說者為迹此之六義通論諸佛本迹也其別論者

唯在今佛亦有六義一約理事明本迹者從無住本

立一切法無住之理即是本時實相真諦也一切法

即是本時森羅俗諦也此釋本迹之相○籤云無明

無明復以法性為本當知諸法亦以法性為本法性無住

即無明法性復以無明為本法性即無明法性無住

與一切諸法為本故云從無住本立一切法無住之

本既通是故真諦指由實相真本垂於俗迹尋於俗

迹即顯真本本迹雖殊不思議一文云觀一切法空

如實相性之本迹由此方有外用本迹二明理教

明本迹者即是本時所照二諦俱不可說皆名本也

昔佛方便說之即是二諦之教教名為迹釋本迹相若無

二諦之本則無二種之教若無教迹豈顯諦本本迹

雖殊不思議一理相顯文云是法不可示言辭相寂滅

以方便力故為五比丘說引文三教行為本迹者最

初稟昔佛之教以為本則有修因致果之行釋本迹

迹以三字由教詮理而得起行由行會教而得顯理本

迹雖殊不思議一相顯文云諸法從本來常自寂滅相佛子行道已來世得作佛引文四約體用明本迹者由昔最初修行契理證於法身為本初得法身本故即體起應身之用釋本迹相○應由於應身得顯法身本迹雖殊不思議一相顯文云吾從成佛已來甚大又遠若斯但以方便教化衆生作如此說引文五約實權明本迹者實者最初又遠得法應二身皆名爲本中間數數唱生唱滅種種權施法應二身故名爲迹釋本迹相若非初得法應之本則無中間法應之迹由迹顯本本迹雖殊不思議一相顯文云是我方便諸佛亦然引文六約今已論本迹者前來諸教已

說事理乃至權實者皆是迹也已即是迹即指迹門為已即指本門本門已前皆名今經所說又遠事理乃至權實者皆名爲本釋本迹相非今所明又遠之本無以垂於已說之迹非已說之迹豈顯今本本迹雖殊不思議一顯理融文云諸佛法久後要當說真實引文最初之本但本而非迹最初實成既未最後已說但迹而非本已說迹門未顯中間亦迹亦本中間相望互若無本時之本不能垂得中間最後之迹若無已說之迹舉今日不能顯得今說之本今日本迹雖殊不思議一重本迹文若執迹爲本者斯不知迹亦不識本有言文殊觀音調達或稱爲

師或稱弟子惑者未了若拂中間無非是迹則迹本
可解若執迹疑本則二義俱失玄文

六重本迹之圖

理事	<small>觀一切法空如實相，但緣有從顛倒生故說。</small>	理安樂行	迹
理教	<small>以法不可示言辭相寂滅，以方便力故為五比丘說。</small>	理方便品	迹
教行	<small>諸法從本來常自寂滅相，佛子行道已來世得作佛。</small>	教方便品	迹
體用	<small>吾從成佛已來甚大久遠，但以方便教化眾生。</small>	用壽量品	本
實權	<small>是我方便諸佛亦然，今當為汝說最實事。</small>	藥草喻	本
已今	<small>要當說真實。</small>	方便品	本

釋籤云第六已今已即是迹即指迹門及諸迹教今即是本即指本門本門已前皆名為已涌出已後方

名為今故云已說事理乃至權實名之為迹今說事
理乃至權實皆名為本故知若無迹中事理乃至權
實何能顯於長遠之本文又已今之言雖異前五亦是
一往指於壽量名為今本若望初本則應又簡已今
不同法華已前諸經已今仍屬於迹今經所明乃是
直明久遠之本即是已說已今為迹今說已今為本
方是實說所以六門引證之文前三引迹後三引本
者何然前三復通本之與迹俱有事理乃至教行體
用等三通中復別既云本用本權非迹文能顯况以
本門為今灼然不可引迹為是義故三引迹文三引
本文又前之三文既在於因本因狹故但以迹例本

故但引述門

讀教記云六重本迹唯體用一重是引本文餘五皆迹籤云前三引述後三引本者斯蓋記主點經玄意實權已今即指迹文為本門也故云今說已今為本方是實說然則前三不指本何也曰前三既通但以迹例本後三既是通中復別故須指迹為本可觀通別二字此例甚多如文句明本迹初引壽量品我成佛已來甚大又遠又方便品我本立誓願普令一切衆亦同得此道又五百授記內秘菩薩行外現是聲聞妙樂釋之云初正引本文次方便下引述文以迹中密示本意故若顯露說

即迹中本迹下文顯已通得引用又妙樂釋方便品十雙權實云然此八中前七迹門第八本門本雖未至權實理徧故下文云是我方便諸佛亦然故方便之名通於本迹文既玄釋不同今諸家商略者或云前三是從本垂迹後三是發迹顯本故云三引述文或云前三是因爲迹後三是果爲本或云圓談大旨不分本迹之文或云別合本意故云三引本文

觀音別行玄記云若理事理教教行體用四重本迹不獨今經諸部容有若塵點劫前最初成佛而為實本中間今日示現成佛皆為權迹此名權實本迹本

門開竟此身即本迹門已說及諸部談皆各為迹是
名今已本迹此之二重諸經絕議故云諸教不明法
華方說

地涌品云佛告諸菩薩娑婆世界有六萬恒河沙等
菩薩一一各有六萬恒河沙眷屬於我滅後護持讀
誦廣說此經時娑婆世界地皆振裂有無量菩薩同
時涌出聞佛音聲從下發來各詣虛空七寶妙塔向
二世尊頭面禮足時彌勒大衆欲決所疑以得問佛
大衆諸菩薩是從何所來從誰初發心修習何佛道
我於此衆中乃不識一人忽然從地出願說其因緣
佛告彌勒是諸菩薩我得菩提已教化示導令發道

意畧開近顯遠時彌勒等心生疑惑白佛言如來得

阿耨菩提始過四十餘年云何少時大作佛事初疑

能盡斯等久遠已來常修梵行深疑此執遠以疑近

壽量品佛告大衆一切世間天人阿脩羅謂我出釋

氏宮去伽耶不遠坐於道場得阿耨多羅三藐三菩

提廣開近顯遠然我實成佛以來無量無邊百千萬

億那由他劫破近顯遠我常在此娑婆世界說法教化亦

於餘處阿僧祇國導利衆生玄云初證之果各本本果

燈佛等又復言其入於涅槃皆以方便分別佛執迹

文句云上引譬甚大久居何處故於中間我說然

上之疑也。昔教所說處處行因。處處得記。即是果。疑
今佛除此疑。指然燈佛者。即佛因疑。言入涅槃者。即
佛果疑。如此。因果非復一條。皆我方使。非實說也。妙
樂云。是釋迦菩薩入城。不得云。是然燈涅槃。亦非釋
迦。爾時於然燈佛世。已曾成佛。而般涅槃。不可
二佛一時與。故是故。但以得記弘法壽終。為果。若有
眾生來至我所。我以佛眼觀其信等。諸根利鈍。隨所
應度。處處自說名字。不同年紀。大小。非亦復現言
當入涅槃。非滅示滅。此為又以種種方便。說微妙法。
此以聲。如來見諸眾生。樂於小法。德薄垢重者。為是
人。說我少出家。得阿耨菩提。現然我實成佛以來。甚
大久遠。若斯。但以方便教化眾生。令入佛道。作如是
說。非生。○妙樂云。壽量久成。墜點尚倍。中間
彼佛。伽耶非真。此論身真。實明遠本也。
學無學品云。佛言。我與阿難等。於空王佛所。同時發

菩提心。阿難常樂多聞。我常勤精進。是故我已得成
阿耨多羅三藐三菩提。而阿難護持我法。文句。昔與
心。即是同。學。由我精進。前起
得佛。由彼多聞。猶故持經。
常不輕品云。往古有佛。名威音王。滅盡之後。復有佛
出。亦號威音王。如是有二萬億佛。皆同一號。最初威
音王如來。有一比丘。名常不輕。凡見四眾。皆悉禮拜
讚歎。而作是言。我不敢輕於汝等。汝等皆當作佛。四
眾之中。有生瞋恚。惡口罵言。我等不用。如是虛妄。授
記。經歷多年。眾人或以杖木瓦石。而打擲之。避走遠
住。猶高聲唱言。我不敢輕於汝等。汝等皆當作佛。以
其常作是語。故增上憍。四眾號之。為常不輕。是比丘

臨欲終時於虛空中具聞威音王佛先所說法華經。即得六根清淨更增壽命廣為人說時增上憍四眾。為作不輕名者見其得大神通皆信伏隨從是菩薩復化千萬億眾令住菩提命終之後得值二千億佛。皆號日月燈明於其法中說是法華經復值二千億佛。同號雲自在燈王為諸四眾說此經典於後復值千萬億佛亦說是經功德成就當得作佛時常不輕者則我身是。文句釋如出世與諸不說常不輕一見造次而言何也答本已有善釋如以小而不輕以大而強毒之。造多品佛言吾於過去無量劫中求法華經無有懈倦於多劫中常作國王發願求於無上菩提為欲滿

足六波羅蜜勤行布施不惜身命捐捨國位委政太子宣令求法時有阿私仙人來白王言我有大乘名妙法華經若不違我當為宣說王聞仙言歡喜踊躍即隨仙人供給所須採菓汲水拾薪設食乃至以身而為牀座身心無懈倦普為諸眾生勤求於大法遂致得成佛爾時王者則我身是時仙人者提婆達多是由提婆達多善知識故令我具足六波羅蜜。化城喻品佛言過去有佛名大通智勝滅度已來無量無邊百千萬億阿僧祇劫我以如來知見力故觀彼久遠猶若今日其佛未出家時有十六子聞父得成菩提往詣佛所請轉法輪皆以童子出家而為沙

彌時佛受請過二萬劫已說是大乘經名妙法蓮華
經八千劫即入禪定八萬四千劫時十六沙彌各升
法座亦於八萬四千劫為四部眾廣說法華一一皆
度六百萬億那由他恒河沙等眾生令發菩提心與
結緣一一菩薩所化眾生世世所生與菩薩俱從其
聞法悉皆信解中間更彼十六沙彌今皆得菩提於
十方國土現在說法一名阿彌陀云第十六我釋迦
牟尼佛結師古今我等為沙彌時各各教化無量眾生從
我聞法為阿耨菩提會弟子古今二初會現在第此
諸眾生于今有住聲聞地者我常教化阿耨菩提應
以是法漸入佛道次明退轉者所以者何如來智慧

難信難解釋退時所化無量眾生者汝等諸比丘
及我滅後未來聲聞弟子是也次會未來弟子弘
吾今來此八千返為此娑婆世界坐金剛華梵網

瑞應經云佛言吾自念宿命無數劫時本為凡人初
求佛道以來受形五道生死無量計吾故身不能以
數色主

菩薩本行經云我於無量無邊諸佛所種諸善根為
轉輪聖王值無量佛最初值遇三十億佛同名釋迦
來初阿僧祇始此佛以其在始故云最初○大論云如

俱到尼師舍宿尼師施草座燈明密漿
便發願言我於當來作佛如今佛名

妙玄云迹因多種或言昔為陶師值先釋迦佛三
事供養發口得記名字皆如先佛即是初阿僧祇
發心既不明斷惑故知藏佛行因之相或言昔為
摩納值然燈佛五華奉散布髮掩泥躍身虛空得
無生忍佛與授記號釋迦文既云斷惑故知通佛
行因之相或言昔為寶海梵志刪提嵐國寶藏佛
所行大精進十方佛送華供養既為寶藏佛父又
是彌陀之師稱其功德不可思議故知是別圓佛
行因之相未來
次值八億佛同名然燈次值三億佛同名弗沙次值

九萬佛同名迦葉次值六萬佛同名燈明次值一萬
八千佛同名娑羅王次值一萬七千佛同名度彼岸
次值一萬五千佛同名日佛次值二千佛同名憍陳
如次值六千佛同名龍佛次值一千佛同名紫幢次
值五百佛同名蓮華上論名下為屬那尸棄此云寶髻即此經螺髻是也翻譯
名義云吾佛初僧祇滿值此佛與七佛中第二尸棄
僧祇次值一佛名正行始此佛次值八萬八千億
辟支佛次值一佛名善思時彌勒為轉輪聖王名毗
盧遮那於彼佛所最初發心先四十劫次值一佛名
示海幢我為轉輪聖王名曰牢弓於彼佛所發菩提
心願於未來得成佛果教化眾生空王佛所同阿羅
最初發心古釋迦

佛所為居師時發心今值海幢佛所為中說次無量劫
引聖王時發心以此等皆是如來方便之說
值帝釋幢等無量諸佛次值一佛名曰然燈時值此
佛我為儒童以青蓮華供養彼佛為我授記過阿僧
祇劫當得作佛號釋迦牟尼此即依居師因地發願
以授各號自此之後諸
佛授記皆同此各金剛經云我於然燈佛前得值八
百四十萬億那由他佛悉皆供養承事無空過者法
華云中間我然燈時然燈佛住世八百四十萬億
歲爾乃滅度我上為四天王下為轉輪王此當銀
等三輪乃
至上為梵王下為聖王此當
金輪各三十六返
此堅論善
薩受報之
身及其變化隨時而出或為儒林之宗國師道士不
可稱紀此橫論善
薩變
化之身不
一從是之後又值勝一切佛壽
八萬億歲彼佛記我過十億劫當得作佛號釋迦牟

尼三阿僧祇
始於此佛次值蓮華上佛壽八萬歲彼佛記我過
十萬劫當得作佛號釋迦牟尼此後當得作佛下並
有號釋迦牟尼佛
次值最上行佛壽七萬歲彼佛記我過一千劫當得
作佛次值上名稱佛壽七萬歲彼佛記我過五百劫
當得作佛次值古釋迦佛壽八萬歲彼佛記我過一
百劫當得作佛案古釋迦在初僧祇當指最初三十
億同名者此既在然燈後不當安古
字恐以今釋迦相望
言之故亦稱古云次值帝沙佛壽六萬歲彼佛記
我過九十五劫當得作佛次值弗沙佛壽六萬歲我
翹一足說偈讚佛天上天下無如佛十方世界亦無
比世間所有我盡見一切無有如佛者彼佛記我過
九十四劫當得作佛大論云以一偈讚弗沙佛七日
七夜超越九劫於九十一劫後

卷之十一

得成善提○諸經多言次值見真義佛壽四萬歲彼
超九劫者是毗婆尸佛次值見真義佛壽四萬歲彼
佛記我過九十三劫當得作佛次值毗婆尸佛壽八
萬歲彼佛記我過九十一劫當得作佛次值尸棄佛
壽七萬歲彼佛記我過三十一劫當得作佛次值毗
舍浮佛壽六萬歲彼佛記我過三十劫當得作佛
述曰世言七佛者准藥王經過去莊嚴劫千佛始
自華光終毗舍浮現在賢劫始俱留孫終于樓至
是知毗婆尸至毗舍浮三佛皆在過去莊嚴劫拘
留孫至釋迦四佛皆現在賢劫七佛前後相繼止
隔一劫今諸經多言毗婆尸在九十一劫餘二佛
在三十劫相去甚遠似不在莊嚴劫之數然三

祇滿時正值毗婆尸自此百劫種相好則九十一
劫於說自合蓋除前讚佛超越九劫故耳如上兩
義雖是方便分別然恐此土翻譯部別不同今姑
並存以為接文者之證

次值拘留孫佛壽五萬歲彼佛記我汝於來世當得
作佛次值拘那含牟尼佛壽四萬歲彼佛記我汝於
來世當得作佛次值迦葉佛壽二萬歲彼佛記我汝
於來世當得作佛號釋迦牟尼已上四佛在賢劫中
相繼出世故此我如是奉事諸佛修學佛意爾乃生
兜率天宮住一生補處位已上並菩薩本行經○兜
處菩薩皆示生其
中為教化眾生故

我今出世人壽百歲少出多減中阿釋迦人壽一萬
歲時合出為觀衆生無機可度乃至百歲見苦逼迫
劫將欲末故出乎世大論已上並小

案因果經云過去無數阿僧祇劫有仙人善慧應瑞

本行二經並名儒童時燈照王太子普光瑞應各定光法華

名然啓父出家成菩提道善慧初為五百外道講

論道義各以銀錢上之與外道別當往普光佛所

欲施供養見王家青衣持七莖青蓮華過追問此

華賣否答言當送宮內欲以上佛善慧請以五百

銀錢顧五莖華用以供佛青衣從命并寄二華以

獻於佛願我後來常為君妻時王及大臣禮佛散

華悉墮於地善慧五華肯住空中化成華臺後散

二華住佛兩邊佛讚善慧汝過阿僧祇劫當得成佛

號釋迦牟尼此經與本行經並依阿僧祇劫而瑞應

便分別然諸經並以此毗婆尸記九十劫為正則瑞應所出未可為用善慧見地濁

濕心自念言云何令千輻輪足踏此而過即脫鹿

皮衣以用布地不足掩泥又解髮以覆之如來踐

已因記之曰汝後得佛當於五濁惡世度諸天人

時善慧以偈讚佛文多載求佛出家佛言善來比丘

須髮自落袈裟著身即成沙門善慧命終之後上

生為四天王下生為轉輪王乃至上生為第七梵

天王下生為聖王各三十六返或為仙人或為外

道六師婆羅門小王各盡其壽不可稱數時善慧者即我身是青衣者邪輪陀羅是

因果經云婆羅門應經稱瞿夷賣華女者取第一夫人為言也君本經與法華皆云邪輪者取羅睺所生母也今以後義為正

四教儀引大論云如來修菩薩道時從古釋迦至尸棄佛值七萬五千佛名初阿僧祇常修六度次

從尸棄至然燈值七萬六千佛名二阿僧祇此時

用七莖蓮華供養布髮掩泥受記號釋迦文次從

然燈至毗婆尸佛值七萬七千佛名三阿僧祇滿

經如許時修六度行更住百劫種相好因修百福

成一相案優婆塞戒經我於釋迦最初發心於迦葉佛備三阿僧祇種詳三祇備時正在毗

婆尸今言迦葉者兼百劫種相好言之也

述曰竊考如來本迹之義已由已今相望互有又近本不可以大小機見為之分別今約諸部共談之粗法華開顯之妙較而論之則大小機見不容不審例如祇一八相而有大小之別由機見之不

叙聖源

序曰如來之先起自大人厥後轉輪次第承襲夷考

典籍略陳氏族之源蓋將以表章吾佛示生於奕世

聖王尊貴之家也

大劫之始世界初成光音諸天化生為人云於是議

立一人有威德者賞善罰惡號平等王眾共供給遂

有民主之名長阿含經。詳初民主王號大人。第一王名珍寶。第二王名好味。第四王名靜齊。第五王名頂生。乃至三十三王名善思。長阿含四分律。此三十三王皆子孫相承。諸王之名備見本經。

自善思王後有十族轉輪聖王相續而出。第一真闍王子波延迦。真闍即阿舍善思王。有五轉輪王。第二多羅葉有五轉輪王。第三阿波葉七轉輪王。第四捷隨利八轉輪王。第五迦陵迦九轉輪王。第六瞻婆十四轉輪王。第七拘羅婆三十一轉輪王。第八般闍羅三十二轉輪王。第九彌尸利八萬四千轉輪王。案本行經。最後一王即大茅草王也。第十懿摩彌百轉輪王。樓炭經。沙彌塞名懿摩。是也。

名懿摩。摩即甘蔗王。為善生王之先也。眾祐律師釋迦譜云。釋種以懿摩為先。

名釋迦

序曰。世人皆知如來為刹帝利之聖種。而終莫能委瞿曇釋迦前後立號之義。須知言瞿曇者。有四義焉。或純淑或最勝。此從本德以為稱也。或甘蔗或日種。此就本緣以為言也。其稱釋迦者。則有三名。據德建號。則曰能仁。依處稱名。則云舍夷。之與直林。然釋迦之起。實見於甘蔗王之四子。甘蔗梵語既為瞿曇。則釋迦之稱。實自瞿曇出。前瞿曇後釋迦。雖有二稱。其實一姓。前人有以日種甘蔗舍夷並列為五氏者。本末紛糅。無所取裁。今故備論。後當母惑。

夫姓者所以繫統百世使不別也氏者所以別子孫之所由出也印度族姓則有四流一曰刹帝利者主種也二曰婆羅門者淨行也三曰吠舍者商賈也舊云四曰戌陀羅者衆人也舊云凡茲四姓前二是貴後二是賤此說出西域隨時所尚佛生其中釋迦出剛強之世託王種以振威迦葉生善順之時居淨行以標

德論大

昔阿僧祇劫有菩薩為國王父母早喪遂國與弟從婆羅門瞿曇學道受瞿曇姓本經翻然熱應法師翻最勝此皆從師德為義乞食還國人無識者謂之小瞿曇於城外甘蕉園中以為精舍賊盜官物路由園過捕盜尋迹執小瞿曇

王令以木貫身射之大瞿曇見悲哀棺斂取血泥團之還置精舍著左右器大瞿曇言是道士若其至誠願天神有知使血化為人却後十月左化為男右化為女因名瞿曇氏純淑之姓遊十二經

過去有轉輪聖王名大自在即第九族彌尸利子孫相承八萬四千王最後王名大茅草垂老無子委政大臣剃髮出家衆號王仙諸弟子時行乞食王仙老不能行遂以草籠盛懸樹上慮虎狼也獠人望見謂是白鳥乃射殺之血滴於地後生甘蕉二本日免開剖一生童男一生童女弟子養護以報諸臣衆謂王種命相師占之立名善生號甘蕉王女名善賢立為第一妃

又以日炙甘蔗而生亦名日種本行

述曰瞿曇一翻甘蔗則當據本行二本甘蔗之緣

一翻泥土則當取十二遊經血泥之事是知諸經

梵語則曰瞿曇華言則稱甘蔗泥土華梵互出其

實一義

甘蔗王第一妃善賢生子名長壽第二妃生四子二

名炬面二名金色三名象衆四名別成本行

述曰沙彌塞云鬱摩王第四子尼樓本行經尼俱

此翻為別成祐律師指懿摩王是釋種之先第四

子莊嚴是白淨所承南山指懿摩即第十輪王去

王菩薩一百世第四子莊嚴即白淨所承其說略同

別成莊嚴兩譯不同祇是尼俱一人

時善賢妃欲立長壽白王擯遣四子出國至雪山北

自立城居不數年間鬱為強國本行經往靈山建國

別成遠父王悔憶遣使召四子辭過不還父王三

歎之曰我子釋迦本行經到雪山邊住直樹林中

故名為釋迦此云直林近雪山北舍夷林築城營舍

因名舍夷國五分


述曰舍夷者林名也既以名國又以名氏竊詳舍


夷恐翻為直即前雪山直林之義妙玄云舍夷是

西方貴姓此但約義未見所出

別成王子拘盧拘盧子瞿拘盧本行

懿摩王第四子莊嚴成即別懿摩百輪王最後王名大
 善生案四分律。懿摩師摩次第百王後有王名大善生。即如來七世相也。自
 百輪王後六世祖烏婆羅王五世祖波婆羅王四世
 祖尼求羅王三世祖尼淨羅王二世祖師子頰王一
 世父淨飯王師子頰四子一淨飯王諸經或云白淨有二子
 長悉達太子次難陀二白飯王二子長調達諸經或云提婆
 次阿難陀三斛飯王二子長摩訶男或云俱利太
 次阿那律或云阿四甘露飯王二子長婆沙次跋
 提長五比丘之劫初以來嫡嫡相承作轉輪王近來
 二世但作閻浮提王大方便經云當知師子頰淨飯
 法王正統世繫圖





述曰樓炭稱懿摩百輪王阿舍四分皆云最後王
 名大善生言最後者第一百也南山指大善生為
 七世祖此依長阿舍烏婆羅等六王至太子為一
 百七世可也而又云去菩薩一百世者當是脫去
 七字自民主至善思三十三世正嫡相承自婆延
 迦十族已降或嫡庶互立或兄弟迭興分為十類
 必有親疎始終之義存焉然受天明命統王四洲
 其所以得君道者莫不同也十族摠之凡八萬四
 千二百一十一王并前民主三十三王及六世祖王
 至太子身共八萬四千二百五十一王也
 釋迦牟尼佛本紀一

中間習小深者，雖於今世入一佛乘，而於小先熟，故
為此機，示現劣身。初說三藏，諸味調熟，來至法華，方
開佛慧。此機於始，唯見劣身故。天台師曰：小機則示
三藏佛身說法，大機應以舍那佛身說法。是故降神
母胎，即示兩相。文然華嚴，頓後方施小化。譬如窮子
急追不至，徐語方來。前頓後漸，其義已成。今那忽云
降神母胎，即示兩相，須知諸文所論，初頓後漸，蓋是
化緣施設之語。今此所說大小雙應，終歸一乘，方盡
鑑機始末之事。如方便品，思無大機，念欲息化，諸佛
勸諭，方施小乘。次文却云無量劫來讚涅槃法，生死
未盡，我常是說，是故思機，然後施小。此等之說，皆是

儀式，不可據此以難。今文頌鑑群機，原始要終，度物
之意也。並別行記今觀二聖師所論，則知如來出興，祇一
八相，自大機而觀之，則始終無改，無非華嚴自小機
而觀之，則遊化鹿苑，諸教次第，謂之舍那，謂之釋迦。
一體而兩名，由機有不同耳。然則大小二始，頓漸兩
說，五時施化，一乘會歸，是皆如來隨順機宜，善巧方
便，令入佛慧之道。今故得以述之。
菩薩從兜率天將降神，時有十佛刹微塵數菩薩，皆
與菩薩同願同行，乃至普賢神通行願，悉皆同等。又
以神通普現兜率天宮，一一宮中悉現十方一切世
界，閻浮提內受生影像。華嚴經○大機所見下兜率相

託母胎

序曰如來降神母胎雙垂兩應大機則見乘栴檀樓閣小機則見乘六牙白象大小在機而於如來應本未始有動此託胎之相也

菩薩已從此沒生於人間淨飯王家乘栴檀樓閣處摩耶夫人胎華嚴經從兜率下法身眷屬如陰雲籠月共降母胎胎若虛空常宣妙法妙法華經見託胎相

住胎宮

序曰華嚴云如來住胎現大宮殿示現住兜率乃至般涅槃或見在兜率乃至或見入涅槃此則於住胎一相之中備見八相秋嚴三十一此荆溪所謂一一相中皆八相

故也

菩薩於母胎中現大宮殿種種嚴飾而令母身安穩無患住母胎已心恒正念示現住兜率天初生為童子處王宮出家苦行成道轉法輪般涅槃或有見佛種種說法或見在兜率天或見來處母胎或見初生或見出家或見成道或見轉法輪或見入涅槃華嚴經荆溪云皆言或者一一相中皆八相故○大機所見住胎相

示降生

序曰託胎降生皆所以示同於人法耳至於出入右脇周行七步裨大小兩機所見各殊者斯示現降生之相也

夫人攀金園樹枝而生菩薩諸天王眾各持香水共
以洗沐華嚴經初生之時於十方面各行七步涅槃經

所見降生相

出父家

序曰華嚴云最後身菩薩欲令著家般生捨離家法
為現自在不屬他故宣揚出家功德勝故此示現出
家之意有在於是也

又見出家詣道場成等正覺坐師子座華嚴經○大

機所見出家相

成佛道

序曰華嚴云道場始成者且約大始而言既非本門

實成則今此正是迹中之迹耳

菩薩於菩提道場始成正覺華嚴經菩薩言吾三十成

道號為釋迦牟尼於寂滅道場坐金剛華王座說法

來當為眾生廣開甘露說無上法涅槃經○大機

或見菩薩住兜率天入胎出胎成道降魔轉法輪入

涅槃華嚴經新譯此大乘有

述曰自昔依起信論列大乘八相存在胎而沒降

魔依四教義列小乘八相存降魔而沒住胎今之

所述正稟二文以為綱骨自下兜率至成道降魔

皆先天後小以列其相而於轉法輪中則有五時

頓漸之義則大小二機又蘊乎中矣妙宗之言曰
佛應三土且說同居化有始終須彰八相大機所
見八相難思若應小機八種皆劣此之謂也

下兜率

菩薩功行滿足位登一生補處生兜率天名曰聖善
為諸天主說補處行期運將至當下作佛即觀五事
觀諸眾生皆是我發心已來所成熟者堪受妙法觀
此大千界閻浮提迦毗羅國最為處中此云黃色言
土德尚黃居
也觀釋迦第一甘蔗聖王之後觀白淨王夫妻真正
堪為父母白淨或云淨飯梵云首圖馱那本行經云
謂財德純備然諸經未見白淨淨飯其義
謂觀摩耶夫人懷抱太子滿足十月生七日已其母

命終作此觀已告諸天子我應下生白淨王家棄輪
王位出家學道成一切種智轉大法輪廣利天人汝
等是時亦當同會諸天子聞各心念言菩薩不久當
成正覺因果經云小機
所見下兜率相
託母胎

時菩薩乘六牙白象發兜率宮按普曜經云佛宿應
下化為白象瑞應經

云化乘六牙白象貫日月
之精○佛宿即鬼宿也放大光明普照十方以四月

八日明星出時降神母胎向曉盛明故曰
明星即鬼宿也時摩耶夫

人眠寤之際見六牙白象騰空而來從右脇入按普
所行不左也覺已白王為說瑞相王召婆羅門占

之曰今此夫人胎中之子必是正覺之瑞若不出家

當為輪王。夫人日更修行六波羅蜜。天獻飲食。不樂人間之味。時兜率天眾念言。菩薩已生淨飯王宮。我等亦當下生人間。得先聽法。於是諸天下生。數至九十九億。又他化自在天。下至四天王。上至色界天。與其眷屬亦皆下生。不可稱計。因果有一天子。名曰速往。至諸地獄。大聲唱言。菩薩從兜率天下生。母胎汝輩速發誓願。求生人間。地獄眾生聞此語。已各各相覩。復見光明。捨地獄身。即生人中。所有大千世界。往昔已來。種種善根者。皆來於此。迦毗羅城。四面託生。菩薩在母胎。行住坐卧。無所妨礙。晨朝為色界諸天。

行經○小機所見計胎相

本佛

說法日中為欲界天。晡時為諸鬼神。於夜三時亦復如是。成熟眾生。因卑經○此經既云行住坐卧一日之護明菩薩謂天人金園曰。往昔補處菩薩。託生之家。須具六十種功德。三代清淨。汝下閻浮。為我觀察。云云護明。即聖善。

周

昭王元年

己丑○周之先右搜名弃好耕農。帝堯舉為

後四世。置父。遷居周原。子季歷在殷。為雍州伯。以在西。故稱西伯。季歷子昌。繼父為西伯。殷紂失道。西伯受命。稱王。號曰周。昌子發。舉兵滅紂。即天子位。號武王。追尊西伯為文王。武王子誦。為成王。成王。子釗。為康王。康王子。子孫。為穆王。

示降生

統紀二

六

二十六年甲寅 ○劉道原通鑑外紀昭王元年己丑二

相承 夫人懷孕將滿十月其父善覺遣使白王我女

懷藏聖胎威德甚大慮產子後女命不久欲迎止嵐

毗園中盡父子情王即敕有司備儀禮送至父家本

行時夫人即升寶輿前後導從往藍毗尼園中十月

滿足四月八日月初出時前言四月八日降胎今言

經南山云降胎出胎皆言四月八日則是十二月在

言若佛所行讀經則云三月八日生此皆譯人夫人

見無憂樹華葉茂盛即舉右手欲牽摘之菩薩漸漸

從右脇出時樹下生七寶蓮華大如車輪身墮華上

自行七步舉右手作師子吼云我於天人之中最尊

最勝

按瑞應經云舉右手而言曰天上天下唯我獨尊善權經云為應七覺故行七步舉手現相為

自尊

道時四天王即以天繒接置寶几帝釋執寶蓋

梵王持白拂侍立左右難陀兄弟二龍王於虛空中

吐清淨水一盥一涼以灌太子按普曜經釋梵雨香

身黃金色三十二相放大光明照三千界天龍八部

空中作樂歌頌佛德散華亂墜一切天人讚歎種智

速成佛道度脫衆生唯有魔王不安本座于時采女

以天繒氎裹抱太子至夫人所青衣還宮說奇瑞相

王即嚴駕四兵象馬車徒導從入園見相殊特喜懼交懷

前抱太子置象輿上隨從入城將詣天祠梵釋形像

皆起禮是而言曰今此太子天人中尊云何來此欲

禮於我群臣歎異即奉太子入王本宮時諸釋同日
生五百男王家青衣亦生五百蒼頭王旒象生白子
馬生白駒牛羊亦生五色羔犢數各五百宮中五百
伏藏自然而出有諸商人入海采寶而還各貢珍奇
王召諸婆羅門當為太子作何等名答言太子生時
一切寶藏皆悉發出所有諸瑞莫非吉祥當名薩婆
悉達此云一切義成又各名吉時八王亦同日生太子各懷歡喜
共制美名因果王家青衣亦生蒼頭奴名車匿瑞應生
白駒名犍陟王後常使車匿侍從白馬給乘瑞應王
訪五百聰明相師令占太子相師言若當出家成一
切種智若在家者為轉輪王相師又言有一梵仙名

阿私陁此云無此瑞具足五通在香山中能斷疑惑
王思路險非人能到阿私陁遙知王意騰空而來相
太子已悲泣而言曰恨我不久命終生無想天不覩
佛興不聞經法若有具三十二相或生非處又不明
顯此人尚為轉輪聖王今觀太子諸相得所又極明
顯決定必成一切種智王聞仙說慮恐出家起三時
殿七寶莊嚴城門開閉聞四十里五百采女宿衛殿
宇華果衆鳥流泉浴池光麗心自以悅太子生滿七
日其母命終以懷太子功德大故上生忉利按大權
慶率觀右餘命十時姨母摩訶波闍波提乳養太
子如母無異因果經○小機

述曰如來降靈示滅之相記年月者其說紛然今
作正義異說兩番以區別之初正義者有六其一
周書異記昭王二十四年甲寅歲四月八日有五
色光入貫太微徧於西方太史籙由曰有大聖人
生於西方穆王五十二年壬申歲二月十五日且
白虹十二道南北通貫太史鳧多曰西方有大聖
人終亡之相其二法本內傳摩騰法師對明帝曰
佛以甲寅之歲四月八日生此當周昭王二十四
年也其三魏書沙門曇謨最曰佛以周昭王二十
四年四月八日生穆王五十二年二月十五日滅
其四南岳願文云佛以甲寅四月八日降生其五

輔行云悉達生淨飯王宮當周昭王甲寅之歲其
六唐太宗敕尚書劉德威問法琳法師佛降生入
滅何故傳述乖亂琳乃論定周昭甲寅生穆王壬
申滅次列異說有八石柱銘周桓王乙丑法顯法
師傳殷武乙甲午像正記平王戊子南山感通傳
天人云夏桀世度律師衆聖點記貞定王甲戌開
皇三寶錄王簡棲頭陀寺記皆以爲周魯二莊甚
至孤山亦作此說其所注四十二章經則取淨名
疏云周時佛興星殞如雨蓋準瑞應經所言佛星
下侍之事天台秋言佛興未嘗定指周莊雖云如
雨乃是借文左傳孤山誤認此語遂作二莊以釋

以致淨覺作記妄稱天合正取一莊然荆溪明言昭王甲寅初無二莊之論是知異說自此可息矣若欲會同左傳如兩之說則如文殊般涅槃經云佛滅度後二百五十年文殊至雪山化五百仙人訖還歸本土放大光明徧照世界入於涅槃自昭王至莊王正當二百五十餘年恒星之驗其在此乎左傳魯莊公七年甲午四月辛卯夜恒星不見星殞如雨即周莊王十年又孤山垂裕記依周曆以十一月建子為正言四月即今二月今准因果瑞應本行諸經並云四月八日法本內傳魏書亦皆四月八日三經既非周譯二書亦非周世則知非建子之正明矣蓋自漢武改寅為

正至于今日遵而用之則經傳之言四月非為差錯不當遠據周歷改為二月也此大略出翻譯名義今更增益文證以祛昔人之異見云

二十七年乙卯先是太子生時足行七步口稱獨尊言已便默如諸嬰孩不行不語諸母養育漸至長大智論

二十八年丙辰

二十九年丁巳

三十年戊午

三十一年己未王為太子辨象馬牛羊諸車童子玩具舉國人民皆行仁惠五穀豐熟風雨以時皆是太子福德之力又以青衣所生車匿等五百蒼頭給侍太

子因果

三十二年庚申太子年七歲王令學書訪國中聰明婆羅門名曰選友起大學堂并榻學具太子問師書有幾種師默不答內懷慚愧禮太子足惟願為說問浮提書凡有幾種太子答言或有梵書婆羅門書或佉婁書摩竭書或如是等六十四書按佛本行經太子八歲學此下有提婆書天也那伽書龍也支那國書大唐也師白王言太子是天人中師云何欲令我教主聞歡喜九技藝典籍天文地理算數射御皆悉自然知之因果經時王復令釋種忍天教太子兵戎法式為造一苑名曰勒劬太子與五百釋子入苑遊戲學一切典籍

四年之中及諸釋種皆悉通達佛本行經

三十三年辛酉太子在苑射戲提婆達多射著一鴈墮於苑中太子拔箭以酥蜜封瘡達多遣使來言宜速見還太子報言我已攝受此鴈自我發菩提心來我皆攝受一切眾生况復此鴈而不屬我自此與達多結怨相競佛本行經

三十四年壬戌

三十五年癸亥太子年十歲王訪國中善知射者令教太子師與小弓令射鐵鼓太子更求如是七弓一箭過七鐵鼓射師白王太子自知射藝云何令我為師王大歡喜擊鼓唱令太子七日當出後園欲試武藝

畏婆達多最先出城時有大象當城門住達多獨前以手搏頭即便躡地於是軍衆次第得過難陀繼至以足指挑象擲著路旁太子出城以手擲象城外還以手接不令傷損象又還蕪時諸人民歎未曾有達多至園最先發射徹三金鼓次至難陀亦徹三鼓太子以弓力弱取王庫內祖王良弓即放一箭徹過七鼓然後入地過大鐵圍山時提婆達多與難陀共相撲戲二人力等無有勝者太子手執二弟躡之於地以慈力故不令傷痛

三十六年甲子
三十七年乙丑

三十八年丙寅

三十九年丁卯

四十年戊辰太子年十五歲王會群臣諸小王仙人婆

羅門等皆悉雲集至二月八日以七寶器盛四大海

水各各頂戴傳授與王灌太子頂付七寶印立為太

子時八國王亦於是日同立太子

四十一年巳太子啓王出遊前至王由息闍浮樹下

見諸耕人時淨居天作壤蟲鳥隨啄之見已悲愍即

便思惟得四禪地王尋太子見在樹下一切樹

影悉移唯此樹陰覆太子身如重雲間忽見明月

本行

四十三年午太子年十七歲按本行經十九納妃釋種婆羅門
摩訶那摩有女名邪輸陀羅顏色端正智慧過人王
即遣使往迎為太子妃太子常修禪觀未嘗與妃有
夫婦道因果太子有三夫人一瞿夷二邪惟檀即邪
三鹿野以有三婦為立三時殿殿有二萬采女遊經
○文句云未曾有及瑞應皆云羅睺是瞿夷子法華
涅槃音云是邪輸子二義云何通或可彼經舉大母
此經舉所生釋論瞿毗邪是寶女不孕即是瞿
夷故知定是邪輸子○瑞應經云十七歲納妃
四十二年辛太子自王將遊園林前後導從出城東
門時淨居天化作老人頭白背偃見已還宮愁思不
樂念言老至如電我豈獨免云何世人而不怖畏他
日復從城南門出淨居天化作病人身瘦腹大不能

自持太子念言如此痛苦云何不畏即回車入宮少
時復從城西門出淨居天化為死人四人輿行室家
哭送太子語臣優陀夷曰世間乃復有此死苦云何
於中而行放逸即敕回車最後出城北門淨居天化
作比丘法服持鉢手執錫杖太子問是何人答言我
是比丘修學聖道永得無為言已騰虛而去太子索
馬還宮而自念言我先見有老病死苦常恐為此所
逼今見比丘開悟我情示解脫路即思惟方便欲求
出家因果經○按瑞應經云十四歲遊四門○本行
經云太子問何人答曰我佛弟子沙門也問何
名沙門答曰三果兮擾擾六趣兮
昏民識心達本源故堯為沙門
四十四年壬

四十五年癸酉

四十六年甲戌

四十七年乙亥

四十八年丙子

四十九年丁丑

出父家

五十年戊寅太子年二十五歲妙樂云若十九出家則

道則二十五年出家○據寶藏經二十五往父王所作

出家三十成道荆溪之言有合於此禮自言恩愛集會必有別離唯願聽我出家學道王

執其手流淚言曰國未有嗣宜息此意時相師白王

太子若不出家過七日後當得轉輪王位王聞益喜

於城四門各置千人以為防護王語太子我昔曾聞

阿私陀仙說汝畢定不樂處世若生一子不復相違

太子即以右手指其妃腹便覺有娠按瑞應經云指

年汝當二月七日思求出家身故光明照諸天宮諸

天皆知太子出家時至即來禮足白言無量劫來所

修行願今正成熟太子答言如汝等語然父王敕內

外官屬嚴見防衛欲去無從諸天即以神力令諸官

屬悉皆淳卧使無知者邪輪卧中即得三夢一月墮

二牙齒落三失右臂覺已具迷太子語云月猶在天

齒又不落臂復尚存當知此夢虛假非實至於後夜

諸天白言內外眷屬皆悉睡卧今正是時太子即令

車匿被捷陟來車匿流淚而言曰今非遊觀之時云
何中夜而忽索馬即舉聲號泣欲令王宮眷屬覺知
以天神力昏卧如故車匿牽馬既至諸天捧馬四足
并接車匿帝釋執蓋從北門出其門無聲自然而開
行至天曉已三踰閻那旬也諸天事畢忽然不見行
至跋伽仙人苦行林中即便下馬語車匿言我既捨
國至閑靜處汝與捷陟俱可還宮車匿悲泣不能自
勝捷陟舐太子足淚落如雨太子即就車匿取七寶
釧自剃須髮而發願言願共一切斷除煩惱及以習
障帝釋接髮而去讚言善哉時淨居天化作獵師身
被袈裟太子見已而語之曰汝所著衣是寂靜服云

何著此而為罪行我今持此七寶之衣與汝貿易答
言善哉即脫寶衣而與獵者自被袈裟大論云所寶
得衣粗布僧
也伽梨時淨居天還復梵身上升虛空於是車匿即牽
捷陟嗚噎悲哽緣路而還跋伽仙人遙見太子謂是
天神與衆請坐即問仙人汝等苦行欲何所求答言
為欲生天太子又問汝等修諸苦因以求苦報終不
離苦言論往復明且辭去車匿牽捷陟還入宮城具
白父王王愛念情深即遣王師大臣尋至仙所仙云
已過中路遙見樹下端坐思惟大臣具告王意太子
答曰豈不知恩但以生老病死四患為苦耳我今終
無返步大臣即留憍陳如等五人密令伺察時太子

北度按西域記恒河路經王舍城中頻婆娑羅王應經王聞太子至願捨國相奉太子誓王今可於身命財修三堅法不應以不堅之法勸獎餘人遂即別去時王告曰若道成日願先見度太子前行至阿羅邏仙人處聞說從得初禪乃至入非想非非想處名為解脫太子知非究竟即與仙別次至迦蘭住處論議問答亦復如是太子調伏二仙人已至伽闍山苦行林中憍陳如等五人住處於尼連禪河側靜坐思惟宜應六年苦行以度衆生因果天神進食一不肯受天令左右自生麻米日食一麻一米以續精氣端坐六年形體羸瘦寂默一心內思安般并思安住般涅槃故修此

六妙門禪故法界次第云前三是定後三慧是慧定受慧察能發真明中離生惡妙門者涅槃為妙門謂能通六法相通能至真一數攝心在息從一二隨細心妙泥洹故云妙門一數攝心在息從一二隨細心知入知出三止息心靜慮四觀分別所證五還轉心故名身隨三止名之為止四觀名之為觀五還反照名之為還六淨心無所依妄波遊止三四二門出入二門微妙神通無分散瑞應太子日食一麻一米或七日一食陳如五人供奉太子遣人白王具說苦相王與姨母及邪輸各嚴五百車資生之物念車匿領送皆悉不受因果經云已上並小機所見出家相

述曰按瑞應因果中本起大論並云十九出家十
二遊增一中雜長四阿含出曜經和須密論並云
二十九出家當何所從今以如來八十壽除五十

說法則定取梵網無相三昧寶藏經等三十成道
之言若以三十成道除六年苦行則定取荆溪二
十五出家上合寶藏之說若約前後義定則有二
事可證一者出家之後六年苦行取成道之歲其
數正合二者將出家時指妃腹曰却後六年汝當
生子後於成道之年果生羅睺按賢愚經云出家
修道六年苦行得一切智未曾有經云太子逃至
山溪勤苦六年得佛還國普耀經云父王聞太子
得佛以來六年令優陀那往請云闊別以來十六
二年又云佛還國入宮坐羅雲來問訊群臣皆疑
太子指國十有二年何從有子此等經文並約出

家六年成佛又經六年還國逆而推之當以二十
五為出家之年審矣孤山頌謂五歲遊歷此語無
憑神智補注備論異同請以荆溪之言為正

五十一年卯

穆王滿昭王之

元年庚辰

二年辛巳

降天魔

三年壬午

四年癸未

以羸身而取道者彼諸外道當言自餓是涅槃因我

當受食然後成道。即至尼連禪河洗浴身體時。彼林外有一牧牛女名難陀婆羅。有淨居天來下勸言。汝可供養友人聞已大喜。即見地中生千葉蓮。上有乳糜。即取奉上。太子咒願受食。氣力充足。按佛本行經至十五生取乳煮糜。以上菩薩有龍女奉天妙筌。提即坐上。如意飽食。身體相好。圓滿。即趣畢鉢羅樹。自發願言。我坐樹下。若道不成。要終不起。諸經多言。菩薩道言。坐此樹下。成道也。其樹正名畢鉢羅。又思惟過去諸佛。以草為座。成無上道。釋提桓因化為凡人。執淨輦草。至菩薩前。問汝何名。答名吉祥。菩薩喜曰。我破不吉。以成吉祥。乃敷以為座。結伽趺坐。而自誓言。不成正覺。不起此座。

因果佛為太子時出家求道。淨飯王父遣釋種五人隨逐給侍。憍陳如此云火器十力迦葉亦名婆藪是母親二人執五欲樂。見太子初食麻麥。心不忍。可即便捨去。頰鞞此云勝跋提此云小賢摩訶男俱利斛飯王。子五今用此文句五卷所出。與此論無殊。此是父親三人執苦行淨。太子後知非道。捨而受食。羹飯酥乳。三人謂其狂亂。失志亦復捨去。新論○因果經。四教義。先降魔。後成道。華嚴應轉法輪。此大小機見之異也。今文云。降魔已。入定。明星出。時霍然大悟。則當以降魔為先也。時魔王宮殿自然動搖。魔王念言。瞿曇當成。正覺及道未成。往壞亂之。於是手執弓箭。與諸眷屬俱往樹下。語菩薩言。汝應修轉輪王業。捨出家法。今若不起。我試

射汝。菩薩怡然不驚不動。魔王挽弓放箭，停於空中。其鏃向下變成蓮華。魔王復遣三女，白菩薩言：「仁者至德，願侍左右。」菩薩答言：「汝植小善，得為天身，不念無常，而作妖媚。今便可去。吾不相須時。」三天女變成老姥，頭白面皺。魔王即以輒語誘言：「汝若不樂人間，我捨天位及五欲，具悉持與汝。」菩薩答言：「汝先修少施，今得為自在天王。此福有期，要還沈溺，非我所須。」魔王曰：「我之果報是汝所知。汝之果報誰復知者？」菩薩答言：「唯此地知。于時大地六種震動，地神涌出而語。」魔王言：「菩薩昔以頭面髓腦國城妻子象馬珍寶而用布施，不可稱計為求無上正真之道，是故汝今不應。」

惱亂。魔聞怖懼，即自思惟：「我今當更設方便，廣集軍眾，以力迫脇。時諸軍眾忽然來至，充滿虛空，執戟操劍，多頭多目，諸惡類形圍遶菩薩。四方煙起，四海涌沸。是諸魔眾各盡威力，角目切齒，橫飛亂擲。菩薩觀之，如童子戲。空中有神隱身而言：「菩薩歷劫修習善果，欲導眾生。汝今云何惱亂導師？今日決定樹下成無上道。此地乃是過去諸佛金剛之座，堪受妙定。非汝所摧。汝今宜應息憍慢意，而奉事之。」是時魔王聞空中聲，即還本宮。因果惡魔波旬將八十億眾欲來壞佛。語云：「汝不急去，我擲汝海水。佛語波旬，汝今先能動此澡瓶，然後可能擲我海水。時波旬不能令動。」

軍衆壞散雜寶藏經波旬長子商主即頂禮菩薩求乞懺悔白言我父無智觸忤大聖願得恕亮佛本行經見降魔相

述曰諸經云魔波旬在六欲頂別有宮殿今因果經乃指為自在天王如此則當第六天有此兩異蓋是譯者用義之不同也

成佛道

二月七日惡魔退散之時菩薩心淨湛然不動落日停光澄月映徹衆星燦爛天與妙華作衆技樂以用供養菩薩既降魔已放大光明即便入定思惟真諦悉知過去所造善惡壽命短長一切衆生輪回五道

無有真實橫生苦樂明星出時霍然大悟即八月得

無上道為最正覺因果經此小佛成道日斛飯

王第二遣使白淨飯王言貴弟生男第一王心歡

喜語來使云今日大吉是男當字為阿難此云舉國

欣慶又名慶喜論大○是歲邪輪夫人生子名羅睺羅

此云覆障以時羅睺羅阿脩羅食月因以為名初太

子出家之日指妃腹曰卻後六年汝當生男至是在

胎六年而生瑞應

述曰大乘開住胎合降魔於成道小乘開降魔合住胎於託胎住胎見起信降魔見四教義此先達之論也今觀大小皆有住胎降魔之文如華嚴云

菩薩住母胎已示現出家成道等相此大乘住胎也
也因果經菩薩在母胎行住坐卧一日六時為諸
天鬼神說法此小乘住胎也華嚴離世間品菩薩
出家成道降魔轉法輪等妙樂云四佛各有四降
魔相此大乘降魔也因果經既降魔已即便入定
明星出時得最正覺此小乘降魔也今欲順八相
之言且用起信四教義二文開合為證

釋迦牟尼佛本紀二終

本紀
下分凡

